

興國縣志卷之十七

古蹟

平固縣崎邨有梅谿去郡七百里有石穴入數步如峽
向裏一處曠明似屋高十餘丈此處出鍾乳王欽之南康記
平固有覆笥山道士遺言云是福地下有潛穴未詳有
所通不同上

平固縣覆笥山上有笥貯玉牒記故山因笥為名焉鄧德

明南康記

南康玉山卽靈山有石桃故老云古有寒桃生於嶺巔隱

淪之士將取其實因變成石同上

興國縣志

卷十七

古蹟

覆笥山頂有湖周數里多靈草異物有石鴈春秋時能
羣飛湖旁有石井及小石笥笥藏玉牒記名山福地及
得道人姓名真仙通鑑

葛洪洗藥池在興國縣治平觀相傳洪結菴鑿此留詩
云陰洞泠泠風佩清清仙居永劫花木長榮觀門外有
葛洪丹井井左舊有吹簫樓瑤岡背去洗藥池數武每
夜半聞吟哦之聲伊伊不絕謂之仙谷舊志

興國之儒林鄉有石圓如龜頂背皆具人謂之龜背石
彷彿八卦形象逐月隨斗杓旋轉土人疑其怪移置他
所翼日復歸其處人因祀之山堂考

興國大乘寺有鉅鐘唐時所鑄紹興初一夕忽失贛漁人得之文潭鬻於天寶寺寺僧扣之無聲頗怪異之一日大乘寺僧物色至贛求贖不許曰果爾寺物試扣之鳴否大乘寺僧一扣卽鳴乃載以歸萬歷中寺燬無存或云飛去一統志

鍾紹京書室在東龕巖去縣東北十五里石案石硯具在靈湖有鍾手所放巨魚帶以銅環人時見之名勝志

瑞洲樓在縣東瑞洲壩上宋嘉定中縣令李伯堅建又有壺天閣與樓並峙正德中俱圯府志

衣錦鄉有文信國勤王壘累石爲墉凡三層甚隘上署

興國縣志

卷十七

古蹟

二

都督行府基尙存

名勝志

按袁志鄒公寨在衣錦鄉宋奉御鄒公嶧與文丞相天祥募義勤王營寨於此累石爲墉門隘三層署都督行府牌額禡旗之際天色晦冥一夕雷震去其額府字識者謂都督行非吉兆也未幾果爲元兵所敗執之北去然則勤王壘意卽鄒公寨歟蔣志

宋統制鞏信從文丞相勤王元將李恆追兵至方石嶺及之信以短兵接戰衆疑有伏不敢進信坐巨石餘兵侍左右箭雨集被體屹不動至死不僵後人呼爲統制石至今行旅過必長揖乃去舊志

文信國為李恆窮追奔至空坑又戰而北兵盡潰信國
僅脫身走山徑忽墜巨石橫塞於路追騎迂迴攀緣則
已去遠矣後人神之呼為相公石羅一峯稱其能墜空
山之石即此舊志

文信國開府厓石後人掘地得寶劍精光熊郁上燦日
星邑人王眉長吳江張參魯諸名人著有寶劍篇孔志

宋咸淳中邑令何時建安湖書院以課衣錦鄉之民其
地則今之江頭上也李待制先之宅亦在焉故蹟荒湮
委之畊犁蕘鑄惟贖一碑跌宿莽中有小茅菴邨民鍾
氏所構者因以安湖草堂題之以誌遺蹟志

興國縣志

卷十七

古蹟

三

無倦堂在縣廳左學古堂在明倫堂左景程堂在縣治
內 頌春亭在鼓樓前左手詔亭在鼓樓右野望亭在
丞廳右清華亭在野望亭側梅隱亭在尉廳左如畫亭
在平川館內賓餞亭在縣北門放生亭在賓餞亭右高
遠亭在縣東南 平川館在縣治南奉符門外直舍館
在學古堂後袁天麟志

按志林據袁志載有三堂九亭二館皆云宋志所錄
既圯廢者蓋在泰陵時已煙消霧晦矣今備錄其名
以存古處蔣志

平川姚可發居縣南涯滕玉霄賓扁其室曰居南後遭

兵燼僅葺環堵狹於漁舸邑大夫朱君又大書居南二字存之髣髴可發年八十餘逍遙竹水間基址無恙子孫猶能保此而居之

海桑集

培春亭在榴岡之麓呂心古家其間因為別圃伐石為臺雜蒔花卉見劉鴻記

府志

明嘉靖中詔頒范氏心箴程子四箴刻石於學宮今於

榛蕪瓦礫中得視聽二碑拭而新之監於三程子祠而

三箴闕矣箴後有序上額宸翰二字書法遒勁

孔志

海忠介公令與時嘗以秋日省斂至澄塘憇諸生王應時家題其壁曰春耕勤力望秋收得遇年豐減却愁眉

興國縣志

卷十七

古蹟

四

負百斤猶恨少身穿一縷尙嫌稠勞而不怨奔如馬貧且無能拙似鳩苦盡甘來何日是笑他常為主人憂孟秋日恤農筆山舟題應時字龍田嘗試文為海所賞拔後歲薦仕潯州教授從孫今宗伯眉長先生也忠介所憇之室為王氏宗祠題壁詩猶存字大如盤瘦硬有生

氣林志

遵義樓在縣北大井上邑人王實華建都御史汪鋌親書遵義樓三字嘉靖末圯隆慶三年己巳知縣盧晉重建改為福汲亭萬歷三十四年丙午知縣王芮更名德水亭四十年壬子燬今修葺仍名福汲

府志

濯纓亭在西山塔院前尹公井亭在雲溪鋪同上

石人在太平鄉距縣八十里其石類人立過者以石投

之中其冠輒以為吉蔡志

衣錦鄉礫下菴水口一石如覆鐘常為祟傷稼僧洞元

鑄金剛字於其上歲乃時稔名曰金剛石林志

嚴溪口有石牛遍體苔文頭角宛肖春夏之交溪水暴

漲人鮮渡者而此石獨浮孔志

西門外舊有塔拔地千尋突兀摩空每當晴霽日出邑

之武塘及觀音閣有塔影橫水面行者見之訝為飛來

影也同上

興國縣志

卷十七

古蹟

五

北門外大街左折有青雲亭亭有路曲折至學宮謂之

青雲路同上